

Debinan Debwewinan:

Jiitawaaganiwi ji-onji-aakozisigwaa binoojiinig owi COVID-19

Mina Bimaadiziwin Gaanada agii minwaabmdaan owi COVID-19 ashowizo-mashkiki gewe binoojiinig naanan apiinish mindaswi shi bezhig epiitizijig. Owi ashowizo-mashkiki naadmaadaan wiiyo miigaadang owi aakoziwi-manijoozhens, dash gewe binoojiinig gaawiin adaa debnaziinaa-aa COVID-19 miinwaa mozhitowaad newen inamjiwinan.



Aanowi gwa binoojiinig miinwaa eshkiniigijig gaawiin adaa gichi aakozisiwoog owi COVID-19, yaa-aabi gwa:

- › adaa aakoziwog owi COVID-19
- › adaa debinaanaa-aa miniwesiwin miinwaa gaawii adaa yaanziinaa-aan inamjiwinan
- › adaa debinaanaa-aa gichi wewiikaa debinigaadeg dash wiigwa neniizaanag zinagaapinewin ezhi-nikaadeg niibna gidizhinaagoziwinan etemigag baagise aapinewin gewe binoojiinig (MIS-C)
- › adaa swenaanaa-aa COVID-19 gewe bkaan bemaadizijig
- › woshme gness adaa yaanaa-aan maanaaj izhayaawinan giishpin yaamiwaad miniwesiwin

Newen memaanji gichi gness etegin izhayaawinan owi COVID-19 digosinon, ekoziwin, dekwewinan, zhiigoosewin, mashkowiziwin wiisginezing, nibaang nashkwechigaadeg, osadamiwin miinwaa zinagag naanaagido inendamang maage naagzowendamang.

Binoojiinig eyaamijig aanin giizhaa etemigag inaapinewinan gnimaa age woshme adaa niizaanziwog awii gichi aakoziwaad onji COVID-19, dash wiigwa aanin binoojiinig gechi aakoziwaad gaawii gego ado yaanziinaa-aan niizaan zhiwebiziwaad.

Jiitawaaganiwi ji-onji-aakozising miigwemigad aanke gnowenjigewin owi aakoziwi-manijoozhens, miinwaa adaa naadamowaan binoojiinig woshme awii waankiwaad wiidokaaziwaad newen gechi piitendaagwog danakimigiziwinan, dibishko gonaa gikino-maage gamgoong yaawaad, odaminowinan miinwaa minendaagiziwinan wiiji-yaawaad.

Newen aabdeg age gikendamamba



Gekendaasijig agii naagidonaa-aan aangwaamziwin naagijigewinan apii zhitowaad miinwaa aanji ndagikendamowaad newen ashowizo-mashkikiin. Ashowizo-mashkikiin wewiib agii temigadon zaam owi niigaadendaagwog nanaadawi gikenjigaadeg zhoonyaa miinwaa myaamiikwendaagwog epiitaag miziwe kamig wiiji nakiindiwin. Newen ashowizo-mashkikiin abi njibaamigadon owi gikendaasowin miinwaa waasamo biiwaabikong mazinaateseg agaa aabaji zhichigaadeg gichi niibna nisa biboon newen aanin bkaan ashowe aakoziwinan.

Newen ashowizo-mashkikiin gewe binoojiinig naanan apiinish midaaswi shi bezhig epiitizijig woshme bangii minik temigad mashkiki. Naasaab newen niibna bkaan ashowizo-mashkikiin, COVID-19 ashowizo-mashkiki woshme bangii temigad penimandaagwog owi binoojiin epiitizid, gaawii epiitizid maage eniginad, zaam epiitizing aawan memaanji gichi piitendaagwog owi ezhi nakwetamoomigag gdo gaa-naadamaagoying miigaadamang aakoziwinan. Ninda nda-gikenjigaadeg ashowizo-mashkikiin, owi woshme bangii minik mashkiki agii miinigaaziwog binoojiinig gechi nishing gnowenjigewin owi COVID-19.

Newen ashowizo-mashkikiin gaawiin adaa miinaasiin gnijaanis COVID-19 zaam gaawii digosizino owi aakoziwi-manijoozhens enji maajitaamigag maanda aakoziwin.

Newen ashowizo-mashkikiin gaawii adaa aanjitosiin DNA. Newen ashowizo-mashkikiin gaawii wiiji-nakiimigasino owi DNA.

Newen ashowizo-mashkikiin gaawii madookdaagemigasino gdo binoojiinim ado anijaansiwin. Niibna njike e'nankijig ndakenjigewin agii mikaanaa-aa gaawii gego tesno debwewin owi COVID-19 madookdaagemigag anijaansiwin.

Maanaaj inamjiwinan



Maanaaji dodaagewinan owi jiitawaaganiwi ji-onji-aakozising gagwech agwa dibasaanon miinwaa ani nigoshkaanon gmaaminig dibagiisiwaan maage giizhigadon. Ninda adaa digosinon miskozheng, gaagiidising miinwaa baagishing zhiwe aganji bidakogowin, miinwaa gagwech inamjiwinan dibishko gonaa biingeji zhayaawin, bangi gashizang, ekoziwin, dekwendibeng, akan ankesing gaagiidizing miinwaa mashkowiziwin gaagiidizing.

Gichi omaanaaskaage inamjiwinan gichi wewiikaa tenon miinwaa adaa naandowechigaadenon. Giishpin debinigaadeg, gagwech gwa moogisenon wiiba shkwa debinigaadeg owi ashowizo-mashkiki.

Ashowizo-mashkikiin naagozowaabmjigaadenon owi onji waankiwendagwog miinwaa maanaaji inamjiwinan.

Miinwaa age aanke ndo mashkowi COVID-19 ashowizo-mashkiki waankiwendagwog kowaabmjigewin zhichigewin, Gaanada adaa-aan waankiwendagwog gikowaabanjigewin newen binoojiinig jiitawaaganiwi ji-onji-aakozising. Owi Jiitawaaganiwin Naagozowaabmjigaadeg Zhichigewin ACTive (The Immunization Monitoring Program ACTive (IMPACT)) maamowi nakiing aawan binoojiinig, aakozi-gamigong abi onjibaamigag maamowi nakiing bemiikigaadeg owi Canadian Paediatric Society agaa naagozowaabmidamiwaad binoojiinig jiitawaaniwin woshme niishtanan biboon.

Giishpin yaaman gagwedwewinan newen COVID-19 ashowizo-mashkikiin, ginosh owa mina bimaadiziwin naagadowenjigewin maagwed.

Debinan debwewinan. Woshme gikendan zhiwe Canada.ca/covid-vaccine miinwaa gnawaabmdan gdo kiinsing maage waasa wekamig waasamo asabi mazina-igan owi maagsemigag gikendamowin zhiwe endaawin.

